

REPUBLIKA E KOSOVËS

KUVENDI I KOMUNËS-VUSHTRRI

PROCESVERBAL
NGA MBLEDHJA E JASHTËZAKONSHME E KUVENDIT TË KOMUNËS SË
VUSHTRRISË, MBAJTUR MË 14 JANAR 2022

Mbledhja është mbajtur në sallën e Kuvendit të Komunës së Vushtrrisë duke filluar në orën 10:15.

Në këtë mbledhje ishin të pranishëm anëtarët e Kuvendit të Komunës së Vushtrris:

Adnan Lahu, Agim Bregaj, Agron Përçuku, Alban Bajrami, Ali Januzi, Arlind Gogolli, Behar Duraku, Bekim Zabërgja, Blerina Shala, Bujar Pllana, Edona Gashi, Fakete Dushi, Fatmire Cecelia, Faton Hyseni, Galip Audiu, Gentiana Rama, Ilmi Azemi, Kushtrim Hyseni, Leonora Gërguri, Lorik Maxhuni, Mek Selaci, Melihate Basholli-Latifi, Mensur Kasumi, Mensur Kastrati, Mentor Hasani, Nasuf Aliu, Nuri Halili, Nurten Çerkezi-Gjyshinca, Refik Maloku, Spasoje Stefanoviq, Sylejman Mehulli, Ymer Haradinaj dhe Zojë Hajrizi.

Munguan: Gresa Muli dhe Shkelzen Xhaferi.

Mbledhjen e hapi dhe e kryesoi Melihate Basholli-Latifi, – kryesuese e kuvendit, e cila konstatoi se në sallë janë prezent 33 anëtarë të kuvendit, kuorum ky i mjaftueshëm për zhvillimin e punimeve të mbledhjes plenare dhe për marrje të vendimeve të plotfuqishme, andaj procedoi me rendin e ditës.

Të pranishëm në këtë mbledhje ishin edhe Kryetari i komunës, z. Ferit Idrizi nënkryetari i komunës z. Shpëtim Zhegrova, përfaqësuesi i KFOR-it, përfaqësuesi i OSBE-së, përfaqësues të mediave të shkruara dhe elektronike, përfaqësues të shoqërisë civile.

Në fillim të mbledhjes anëtarët/e e kuvendit: Agim Bregaj, Spasoje Stefanoviq, Zojë Hajrizi dhe Blerina Shala dha betimin para kuvendit duke marrë mandatin e anëtarit të kuvendit me të drejta të plota.

Ferit Idrizi, kryetar i komunës-pasi përshëndeti të pranishmit veçanërisht anëtarët e kuvendit, ju uroj shëndet e suksese në këtë legjislaturë duke u zotuar para tyre se do jetë bashkëpunuese me të gjithë me qëllim që ti shtyjnë përpara proceset në interes të përgjithshëm qytetar. Ai shtoi se anëtarët e kuvendit të Komunës së Vushtrrisë kanë mbi supet e tyre përgjegjësi për ti mbajtur dhe realizuar premtimit që i kanë marrë përsipër në fushatë zgjedhore. Në fund njoftoi se së shpejti para kuvendit të sillet programi qeverisë dhe do të fillohet me punët që na presin në realizmin e objektivave që dalin nga programi qeverisë në mandatin katërvjeçar.

Ilmi Azemi, anëtar i kuvendit-të nderuar anëtarë të kuvendit! I nderuar kryetar i komunës z. Ferit Idrizi, nënkryetar i komunës z. Shpetim Zhegrova, kryesuese e kuvendit z Melihate Basholli - Latifi, kabinet qeveritar, drejtor e drejtoresha të drejtorive. Të respektuar zyrtar tjerë komunal, ju të pranishëm! Të nderuar dhe shumë të respektuar qytetar të komunës së Vushtrrisë. Sot, në këtë mbledhje të parë të jashtëzakonshme pas asaj inauguruese, dëshiroj të theksoj që kjo seancë e kuvendit ka koloritin e një seance solemne dhe procedurale sipas rendit të ditës, ftoj dhe besoj në rrjedhën kronologjike dhe votim numerik të rendit të ditës dhe me krenari them se pritshmëria e qytetarëve gjatë fushatës po edhe me rastin e formimit të qeveris komunale dhe fillimit të punës e ofrimit të shërbimeve nga qeveria e PDK-së, janë shumë të mëdha dhe të mirëpritura. Rikthimi i PDK-së, ishte alternativa e vetme qeverise për Vushtrrinë, andaj unë ju them qytetarëve se Kryetari Idrizi bashkë me PDK-në ka përzgjedhur qeverinë komunale duke mbajtur premtimet elektorale, fillimisht duke respektuar marrëveshjet në masën 100% me partitë politike të koalicionit. Ekipi qeverisës i cili do të udhëheq me drejtorit përherë të parë në historinë e pas luftës, ka një përfaqësim reprezentativ gjithëpërfshirës dhe një drejtori që do të udhëhiqet nga një doktor shkence z. Remzi Ahmeti, drejtoritë tjera kanë në përmbajtje profesionist të fushës, nëna, vajza, burra e djem të përkushtuar, dy drejtori do të udhëhiqen nga njëri partner i koalicionit nga AAK-ja, kurse një tjetër drejtori do të udhëhiqet nga partneri tjetër i koalicionit Nisma Socialdemokrate, një drejtori udhëhiqet nga shoqëria civile e kam fjalën për drejtorin e Urbanizmit, ajo e Bujqësisë nga partia Turke, po kemi edhe Drejtorin e Kulturës që do të udhëhiqet nga një e re intelektuale, profesioniste dhe artdashëse, znj. Medina Bunjaku! Andaj, Urime kryetar z. Ferit Idrizi, urime Drejtorë e drejtoresha, Urime qytetar të Vushtrrisë! Me këtë rast dëshiroj të përgëzoj dhe falënderoj të gjithë qytetarët e Vushtrrisë që besuan tek ne, dhe në subjektin tonë politik, besuan në platformën politike të PDK-së, na votuan me çka rikthyem pushtetin me kandidatin tonë për kryetar komune z. Ferit Idrizi, si dhe kemi një përfaqësim të kënaqshëm në Kuvendin komunal me 11 deputet të zgjedhur, kjo është një e arritur konstante, sukses e përgjegjësi sepse qytetarët na votuan dhe na besuan se do të jemi zëri i tyre, mbrojtës të interesave të përgjithshme, fundja me votë na kanë dhënë obligime dhe ne jemi këtu që të respektojmë këtë lidhje sa fisnike aq edhe hyjnore me qytetarin dhe për qytetarin. Në këtë rrafsh mendoj, pres dhe ftoj edhe opozitën që të jemi të rreshtuar së bashku në shërbim të qytetarëve duke tejkuluar interesat e ngushta klanore e partiake në mënyrë që ne si kuvend të marrim mbi supet tona krejt atë që kemi obligim, kompetencë e përgjegjësi ligjore e njerëzore në të mirë të qytetarëve, dhe unë po kërkoj që punën tonë ta bëjmë në mënyrë më të mirë të mundshme dhe me përkushtim, çdoherë duke u bazuar në ligj dhe në të mirën e përgjithshme. Faleminderit për mirëkuptimin tuaj! Na priftë e mbara!

Në fund të debatit jashtë rendit të ditës, kuvendit pas votimit me vota “unanime” aprovoj këtë:

R E N D I T E

1. Shqyrtimi i Propozim-vendimit për themelimin e Komitetit për Politikë dhe Financa.

Melihate Basholli-Latifi, kryesuese e kuvendit-sqaroi se në bazë të fuqisë së votës të subjekteve politike të marrë në zgjedhjet e fundit, është përgatitur çelësi i përbërjes së Komitetit për Politikë dhe Financa dhe në bazë të përqindjeve del se: PDK-së i takojnë 3 anëtarë, LDK-së i takojnë 3 anëtar dhe LVV-së i takojnë 2 anëtarë, prej këtyre në bazë të Ligjit për Barazi Gjinore, PDK obligohet të propozoj 2+1 d.th 2 burra dhe 1 grua, LDK, obligohet të propozoj 2+1, ndërsa LVV-

ja obligohet të propozoi 1+1 d.m.th në përbërje të Komiteti për Politikë dhe Financa duhet të propozoj 1 burrë dhe 1 grua.

Sylejman Mehulli, anëtar i kuvendit-pasi përshëndeti të pranishmit, shtoj se grupi i tij kuvendar, nuk pajtohet me formulën e propozuar nga kryesuesja e kuvendit lidhur me përbërjen e Komitetit për Politikë dhe Financa. Pastaj shtoi se bazuar në legjislacionin në fuqi Komitetit për Politikë dhe Financa për komuna që kanë mbi 31 anëtarë të kuvendit duhet ti kenë 9 anëtarë në KPF, dhe se formula e propozuar prej kryesuese së kuvendit $3+3+2=8$ bie në kundërshtim me specifikat ligjore që e rregullojnë këtë fushë. Trajtimi në mënyrë të ndarë i vendit të kryesuesit të kuvendit në KPF është i papranueshëm, për arsye se kryesuesi i kuvendit gjatë mandati mund të jap dorëheqje ose mund të shkarkohet dhe në këto raste i ruhet pozicioni i të zgjedhurit në KPF, andaj kjo krijon një disballanc dhe shpërputhje ligjore me përfaqësimin real të forcave politike që janë në kuvend. Kësisoj si grup kuvendar i LVV-së propozojnë që formula apo çelësi duhet të jetë $3+3+3=9$ e ndarë në mënyrë të barabartë mes tri subjekteve më të mëdha politike të përfaqësuara në kuvend.

Ilmi Azemi, anëtar i kuvendit-tha se Ligji për Vetëqeverisje Lokale e ka rregulluar çështjen e përfaqësimit në KPF, dhe e vërteta është se kryesuesi i kuvendit me automatizëm është edhe kryesues i KPF-së sipas detyrës zyrtare dhe shkarkimi apo dorëheqja e kryesuesit të Kuvendit nënkupton dorëheqja apo shkarkim edhe nga pozitat e kryesuesit të KPF. Kjo është kështu sepse ligji e rregullon një gjë të tillë ndërsa, sa i përket përqindjeve të votave të fituara dhe shndërruar në ulëse në kuvend dhe në KPF ai vlerësoi se në asnjë modalitet dhe alternativë, grupit kuvendar të LVV-së nuk i takoj më shumë se dy anëtar në Komiteti për Politikë dhe Financa.

Faton Hyseni, anëtar i kuvendit-tha se bazuar në udhëzimin administrativ për komitetit obligative, çelësi i propozuar nga partia në pushtet por edhe ai i propozuar nga grupi kuvendar i LVV-së, nuk është real është jo parimor dhe jo funksional sipas legjislacionit në fuqi. Pastaj shtoi se në çdo modalitet shihet se legjislacioni përcakton që komiteti duhet të jetë gjithëpërfshirës. Kjo në të kaluarën nuk ka qenë traditë dhe për këtë edhe ka pasur ankesa dhe vendimit e kuvendit janë shpallur të kundërligjshme për shkak të mos respektimit të udhëzimit administrativ. Në komiteti duhet të jenë të përfshira të gjitha entitetet politike, dhe problem do të kishim atëherë kur numri i entiteteve do të ishte më i madh se sa numri i votueseve, komuna jonë nuk e ka një problem të tillë sepse ajo ka 7 entitete politike të përfaqësuara në kuvend ndërsa numri i anëtarëve të KPF-së është 9 gjithsejtë. Tutje vlerësoi se kryesues i Komitetit për Politikë dhe Financa nuk llogaritet në çelësin e komitetit ndërsa bëhet fjalë tani për 6 subjektet politike të cilat duhet ti kenë përfaqësuesit e tyre në komitet, për faktin se përfaqësuesi i etnitetit serb duhet të jetë pjesë e Komitetit për Komunitete. Andaj sipas tij çelësi i themelimit të KPF-së duhet të jetë si në vijim: PDK-ja duhet ti ketë 2 përfaqësues + kryesuesja, LDK-ja duhet ti ketë 2 përfaqësues, LVV-ja 2, ndërsa nga 1 përfaqësues duhet ti kenë AAK-ja, Nisma dhe LB-ja.

Mek Selaci, anëtar i kuvendit-pyeti se anëtarin e kuvendit nga LB-ja se si rregullorja me automatizëm ia mundëson përfaqësuesin nga komuniteti serb në Komitetin për Komunitete.

Sylejman Mehulli, anëtar i kuvendit-duke ju referuar Udhëzimit administrativ për themelimin e komiteteve, shtoj se nëse në kuvendin e komunës nuk mundësi që të përfshihen të gjitha entitetet politike, atëherë ndarja e vendeve në KPF bëhet sipas numrit të përfaqësuesve të partive politike që i kanë në kuvend. Pra numri i anëtarëve të kuvendit të fituar nga një subjekt politike është një element matës determinues dhe pamohueshëm për përbërjen e KPF-së dhe kjo mbi të gjitha kjo është një vullnet qytetar që ka votuar ditën e zgjedhjeve për këtë përfaqësues kushdo që janë. Andaj nuk mund të shkelet forca e votës dhe fuqisë politike që qytetarët kanë përfaqësuar. Lidhur me formulën e propozuar PDK-ja ceku se kjo nuk është reale sepse kryesuesen e kuvendit trajton si të ndarë dhe shtoi se me këtë formulë PDK me 11 anëtar të kuvendit të fituar me vetëm 2.75

asamblistë fiton 1 vend në KPF, me formulën që LDK merr 3 përfaqësues në KPF mesatarisht me 3.66 asamblistë fiton një 1 vend në Komitetin për Politikë dhe Financa, ndërsa me formulën e propozuar LVV-së i duhen 4.5% të asamblistëve për ta fituar një 1 vend në KPF, pra edhe matematikisht kjo gjë nuk është e drejtë të jetë kështu. Andaj ai krejt në fund përsëriti se formula më e drejtë dhe parimore është $3+3+3=9$ përfaqësimi nga tri forcat kryesore politike të përfaqësuara në kuvendi e komunë të përfaqësohen edhe në KPF me nga tre (3) anëtarë.

Shpëtim Zhegrova, nënkryetar i komunës-tha se si subjekt politikë që i kanë fituar zgjedhjet së bashku me partneret e koalicionit, nuk dëshirojnë të shkojnë në arrogancën e numrave, sepse kjo ka ndodhur mandatin e kaluar kur PDK kishte 12 anëtarë të kuvendit ajo kishte marrë vetëm dy vende në KPF dhe kjo ishte bërë me ndihmën e LVV-së e bashkë me Xhafer Tahirin jo me LDK, duke u bazuar pikërisht në arrogancën e numrave dhe pavarësisht asaj PDK nuk kishte bërë fare ankesë. Në të gjitha kombinatorikat prapë shumica mbetet në opozitë sepse 3 vende i takojnë LDK-së, ndërsa 2 vend Lëvizjes Vetëvendosje dhe kjo i bie se shumica në KPF është prapë tek opozita. Por nëse i referohemi përqindjeve gjërat dalin akoma më ndryshe sepse 8 anëtarë të KPF-së duhet të zgjidhen sepse kryesuesja e kuvendit shkon sipas detyrës zyrtare dhe në bazë të përqindjeve të votave del se: PDK ka 31.33% të votave që i bie 2.51 anëtar për përfaqësim në KPF që i bie 3 anëtarë në përbërjen e KPF-së, LDK-ja ka 2.48 të anëtarëve të kuvendit në bazë të përqindjeve të votave për kuvend të komunës që i bie se duhet të përfaqësohet me 2 anëtar në Komitetin për Politikë dhe Financa, por nuk janë shkuar me këtë formulë për mos të treguar arrogantë por formula është në bazë të numri të ulëseve të fituara në kuvend.

Adnan Lahu, anëtar i kuvendit-pasi falënderoi të gjithë të pranishmit, iu uroj suksese qeverisë dhe kuvendit, shtoi se si opozitë do ti përkrahin të gjitha propozimet dhe projektet që janë në interes të përgjithshëm qytetar, ndërsa do të je në zë kritik për të gjitha ato projekt për të cilat mendojnë se janë në dëm të interesit të përgjithshëm. Lidhur me piken e rendit të ditës kërkoi 5 minuta pauzë për konsultim mes grupeve kuvendare.

Ymer Haradinaj, anëtar i kuvendit-pasi përshëndeti të pranishmit njoftoi kuvendin se shef i grupit kuvendar të LVV-së është Sylejman Mehulli. Ndërsa sa i përket çelësit për themelimin e KPF-së ai vlerësoi se oferta e propozuar nga LVV-ja është më e mira dhe më e drejta, sepse vërtet nuk ka kuptim që PDK-ja që ka 11 anëtarë të kuvendit, ti ketë 4 anëtarë në KPF, kurse LVV-ja që ka 9 anëtarë të kuvendit të përfaqësohet me vetëm 2 anëtarë në KPF. Duhet të pranohet fakti se janë tri forca politike në kuvend që posedoj 31 anëtarë të kuvendit dhe kjo i bie se 90% të përbërjes së kuvendit vjen nga PDK, LDK dhe LVV. Andaj formula $3+3+3=9$ është formula më e drejtë dhe kjo duhet të vendoset kështu për hir të transparencës dhe për hir të bashkëpunimit të sinqertë me forcave politike në kuvend.

Sylejman Mehulli, anëtar i kuvendit-tha se në bazë të konsultave mes grupeve, grupi kuvendar i LVV-së nuk u pajtua me çelësin e propozuar sepse konsideron se nëse LVV-së nuk i takojnë 3 anëtarë në KPF, atëherë as PDK-së nuk i takojnë 4 anëtarë. Tendencë që kryesuesja e kuvendit të nxirret jashtë çelësit të përbërjes dhe përkatësisë partiake në KPF-së është e paprecedent dhe nuk është praktikë ligjore, andaj kjo çështje mund të procedohet për votim dhe aprovim, por se grupi i LVV-së do të ankohet në MAPL, për shkelje sa i përket kësaj pike.

Në vazhdim kryesuesja e kuvendit e hedhi në votim çelësin e themelimit të Komitetit për Politikë dhe Financa, dhe atë PDK 3 + kryesuesja e kuvendit, LDK 3 anëtarë, dhe LVV 3 anëtarë në Komitetin për Politikë dhe Financa, lidhur me këtë propozim 25 anëtarë të

kuvendit votuan “për” ndërsa 8 vota ishin “kundër” dhe kësisoj u aprovua çelësi për themelimin e Komitetit për Politikë dhe Financa.

Mentor Hasani, anëtar i kuvendit-tha se në koordinim me grupin e tyre kuvendar, janë dakorduar, që përfaqësuesit e tyre në KPF të jenë: Nurie Halili, Ilmi Azemi dhe Lorik Maxhuni.

Adnan Lahu, anëtar i kuvendit-propozoi për anëtarë të KPF-së Edona Gashin , Fakete Dushin dhe Adnan Lahun.

Behar Duraku, anëtar i kuvendit-në emër të LDK-së, për anëtarë të Komitetit për Politikë dhe Financa propozoi: Agron Përçukun dhe Alban Bajramin.

Sylejman Mehulli, anëtar i kuvendit-në emër të grupit kuvendar të LVV-së, për anëtarë të Komitetit për Politikë dhe Financa propozoi: Fatmire Celia dhe Sylejman Mehollin.

Adnan Lahu, anëtar i kuvendit-tha se propozim i tij është i dhënë në emër të grupit të LDK-së, ndërsa propozim tjera nga LDK-ja nuk mund të jenë të vlefshme.

Agron Përçuku, anëtar i kuvendit-tha se është e patjetërsueshme që secili nga anëtarët e kuvend dhe secili anëtar i LDK-së i përfaqësuar në kuvend ka të dejtë të propozoj dhe të jetë i propozuar për përfaqësues në Komitetin për Politikë dhe Financa

Në vazhdim kryesuesja e kuvendit propozime për anëtarë të KPF-së nga radhët e LDK-së i procedoj në votim në mënyrë individuale, për Edona Gashin 5 vota ishin “për” ndërsa 18 vota ishin “kundër” dhe ky propozim nuk aprovohet, për Fakete Dushin 18 vota ishin “për” të tjerët nuk morën pjesë në votim dhe propozim i tillë aprovohet, për Adnan Lahun 6 vota ishin “për” 24 vota ishin “kundër” propozim i tillë nuk aprovohet, për Agron Përçukun 20 vota ishin “për” ndërsa 8 vota “kundër” propozimi aprovohet, për Alban Bajramin 24 anëtarë të kuvendit votuan “për” 7 “kundër” dhe propozim i tillë aprovohet.

Më pas kryesuesja e kuvendit e hedhi në votim në tërësi propozimin për themelimin e Komitetit për Politikë dhe Financa, në ç’ rast kuvendi me 27 vota “për” të tjerat abstenim vendosi me sa vijon:

1. Me këtë vendim themelohet Komiteti për Politikë dhe Financa nga radhët e anëtarëve të kuvendit të komunës, në këtë përbërje:

- 1.1 Melihate Basholli Latifi, – Kryesuese e KPF nga radhët e PDK;
- 1.2 Ilmi Azemi, anëtar i KPF-së nga radhët e PDK-së;
- 1.3 Lorik Maxhuni, anëtar i KPF-së nga radhët e PDK-së;
- 1.4 Nurie Halili, anëtare e KPF-së nga radhët e PDK-së;
- 1.5 Agron Përçuku, anëtar i KPF-së nga radhët e LDK-së;
- 1.6 Alban Bajrmai, anëtar i KPF-së nga radhët e LDK-së;
- 1.7 Fakete Dushi, anëtare e KPF-së nga radhët e LDK-së;
- 1.8 Sylejman Mehulli, anëtar i KPF-së nga radhët e LVV-së dhe
- 1.9 Fatmire Cecelia, anëtare e KPF-së nga radhët e LVV-së;

2. Komiteti për Politikë dhe Financa, detyrat dhe përgjegjësitë do t’i ushtroj në pajtim me dispozitat e Ligjit për Vetëqeverisjen Lokale, Udhëzimin Administrativ për Procedurën e Themelimit Përbërjen dhe Kompetencat e Komiteteve të Përhershme dhe Komiteteve tjera Komunë, Statutin e komunës, akteve tjera si dhe rregulloren e punës.


3. Mandati i anëtarëve të Komitetit për Politikë dhe Financa është i njëjte me mandatin e anëtarëve të kuvendit të komunës përveç nëse ky mandat i pushon në rastet e parapara me legjislacionin në fuqi.

4. Anëtarët e KPF-së, për pjesëmarrje në mbledhje do të kompensohen sipas legjislacionit në fuqi në Kosovë.

5. Ky vendimi hyn në fuqi shtatë (7) ditë pas publikimit në faqen zyrtare të Komunës së Vushtrrisë.

Mbledhja përfundoj në ora: 11:16

Bastri Duraku



Procesmbajtës

Melihate Basholli-Latifi



Kryesuese e Kuvendit

